

۲۴ شعبان ۱۳۳۱

بازار ایرتسی

۱۵ آغوز ۱۳۲۹

عدد — ۵۵

امور اداره و تحریریه و اعلانات و ساثره
ایچون مدیر مسئوله مراجعت ایدالمیدر.

هرقای امتک مقالات متصوفانه لرینه
جریده صوفیه تک حیفه لری
آچیقدر .

جریده صوفیه

شیمدیلك هفته ده بر نشر اولنور .

تصوفی ، دینی ، اخلاقی ، سیاسی جریده اسلامیه در

نسخه سی ۴۰ پاره در

ابونه سی : بر سنه لك اعتبارله ممالك
همانیه ایچون ۴۰ آلتی آیلغی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

کند بزم بر اصلیت بر اصلت آرایه لم بقالم نهی بوله جفر دوشوندم
(خلاقکم من نفس واحد) نص قاطعی خاطر به کلدی دیمک که بنم اصلم
بر نفخه آلهیدر. شوجهان بر نفخه آلهی ابله کلدک اصلزم ینہ رنفخه
ابله کیده جکز. (لمن الملك ...) کل شیء يرجع الی اصله طورمق یوق
ذات احدیته رجعت وار بوده صاغلام چونکه انکاری قابل دکل انبیای
گرام و رسل عظام حضرتانک کافه سنده اصلت اصلیه و شرافت ذاتیه
وارد. اصلت اصلیه لری اصلت نسبیه ابله در اصلیه ارجاعده اصلتک جمله سی
بردر. بالکمز مقارنت معنویه درجات مخالف ایدیور. هبسی اصلدر.
هپسک اصلاتی وارد. اصلیت واصلتی اولانلر اصلدن مرسل اولور جوهر
اصلیه ذاتیه نک ینہ او اصلدن بر اصلی جذب ایتمی و جذب ایدیان بر اصلک
اصلتی منجذب اولمی یعنی جذب و انجذاب وحدت حقیقیه نک بطون و ظهورندن
عبارت دکلیدر؛ اصلیت، اعتبار اصلیت ابله صورتده فرع تاقی ابتدیکمز
و حقیقتده اصلیتدن اخراج ایده مدیکمز مساعد عضولری اصله بلا پروا
جذب ایدر. (جذب الاصل فرعه والفرع یجذب الی اصله) اصل اشیا
محبت ذاتیه سبحانه در. بوکا توجیه ایجاد اطلاق اولنور. انبیاء عظام
حضراتنک بنای وجودی اصل اوزرینه ابنا ابتدیکی ایچون متانت
لازمه بی اصلت اصلیه بی شرافت حقیقیه بی حائر متین رسین روجوددر.
بزم کی بنالری صاغلام محالره قورامایانلرک حاله واه ا.
شرافت اصلیه ذاتیه ابله اصلت فرعیه صوریه و شرافت معروفه
مشهوده بی اکلانیم.

بین تفاوت ره از کجا تا کجا

اوله اکلادم اوله ذوق و ایمان ایندمکه زمان جاهلیتده قریشیلر
مکارم باطنه و ظاهریه مالک اولوب او زمانک اک منصفلری ایدی فرط
عرفان و مزیت رجحان ابله تمیز و اشتها اتمشدری. سنت خلیلیه بی
احیا و قاعده اسماعیلیه بی اجرا و طعاملری فقر و مساکینه مباح عد
ایدرلردی.

زهی شیوه مهمانداری، تألیف کلامده رسوخ ناملری اولوب اسلوب
سخنوریده موجد صنایع ایدیلر. هم زمان اولان موشکافانی عادات حیرتله
غرق ایدرلر و اسرار بلاغت انلرک بوستان عرفانده نشو و نما بولور
ایدی صورتده معروف طائیدبغمز بر اصلت حقیقتده اصلت ذاتیه
محمدیه به نسبتله صفر درجه سنده قالیر.

آن شه که مه سپهر لولاک آمد جانست کز الیش نی پاک احمد
یک حرف ز مجموعه قدر شرفش لولاک لما خلقت الافلاک احمد
حضرت فخر کائنات علیه اکمل التحیات اقدمز اوت بیان ابتدیکمز
وجهله معروف بر فاملیابه و اسیل بر عالمیه به منسوبدر فقط ادعای جاهلانده
بولندبغمز بو معروفیت و بو اصلیت ظاهره، حضرت محمدده ظهور ایدن
اصلت حقیقیه بی مدار مفخرت شایان افتخار عد ایدر.

صدری که زهرچه بود برتر او بود مقصود ز امراض و زجواهر او بود
انجا که میان آب و گل بود آدم در عالم جان و دل پیغمبر بود
ادعای جاهلانده بولندبغمز او اصلاتی حضرت ادمک قولتوغنه و بریورز

فقط المیور چونکه نزل ایتیمور حضرت محمدده اورالردن کچمش کچمشده
اصل ابله اصل اولمش (مارمیت) (لی مع الله) دن دم اورمشدر.
سرستان مشاهده جلال یچوندر. ککل اصفیانک قطرات افعال
وصفاتی محیط ذات اعظمده مستهلکدر. او زوبیه لک اصلت معروفه دیه
ادعایه یلندکاری اصلت بنم کوستردیکم اصلتک قبوسندن ایجرویه بقامن
بنار، تیتیر، قورقار (ای خواجه پندمن شنو وازان کذر ممکن) اونه
شرافت واصلت ذاتیه درکه معروف و مشهور اولان اصلتالر او اصلتی
شایان افتخار تاقی ایدیور مدار مفخرت عد ایدیور.

چون مردوکون روشن از انوار روی اوست

اکلا عزیم اکلا النی اوعلی استاد کاملک اوکنه او طورملی حق
و حقیقتی آکلامغه چالیشمیدر. دیکله عزیم دیکله اا.

نسب نیست نسبت مردم هر یکی را بنفس خود شرفت
شرف در جوهر خویشست نه زپائی جوهر صدفست

دقت ایت پرده لری قالیدرم جوهرده کی شرافت ابله صدفده کی
شرافتی کوستردم جوهر صدفله می پوخسه صدف جوهرله می افتخار
ایدیور؛ هیچ شبهه یوق دبه میه جکسکرکه جوهر صدفله افتخار ایدیور.
بو قضیه اورنه دن قارقارسه ادعای درویشانه ده بولندبغمز اصلت حقیقیه
جوهرده قالیر و صدف او جوهرله افتخار ایدر.

دنیدر او کیم مفتی ترک ایدوب تفاخر ایده کثرت باه ابله

ولا ینفع الاصل من هاشم اذا کانت النفس باهله

مثلا جامی حضرتاری سلسله کی بکمی نرسد دیموری؟

جاذبه جنسیت است اکنون بین که تو جنس کبیتی از کفر دین

کرها مان مائلی هاشماتی و ربوبی مائلی سبحانی

عزیم چالیشلم، انسان اولم. انسان اولتی بیلیر بیلیم تنقیدات

ابله اوغراشمق دکل حقیقتی کورور کورمن تسلیم اتمکده در. پک

اوزون سوزی سوم.

کفتن بسیار نه از نغزیت ولوله طبل زنی مغزیت

مشو بخوان

علی فواد

لا حول ولا قوة الا بالله

جنب حَقِّک بر لکنه اسانانلر؛ و قلبی نور توحید ابله تنور ایدنلر،
بر کتز حقیقت اولان سرلوحه بی دبلندن اکسبک ایتیموب رهنای ظفر
وسادت اولدینتی تسلیم ایدرلر. اوت اهل ایمانک سوزی اوزی کی
اولدینندن رهگذرانده دوچار اعوجاج اولیموب حول و ذلندن مصوندرلر.
بدیهیدرکه (قوت) آزلردن ترکب ایدر بر جمعیت مکلفدر. حالبوکه
تکلفاته عارض اوله جق بر نقصان (جمعیت مکلفه نک) پریشانی ناکهانیسی
تهیه ایدر. تنکیم بوله ده اولدی.

ایشته دونکی منفه لارک بوکونکی اطوار و رفتار منفردۀ عبرت نماسی

مقالات

جهان اسلامیتده علوی اساسلر

دن

حلم

خصائل انسانیه نك نشوونما و اعتلاسنه سبب اولان علوی اساسلردن بریمی ده مكارم اخلاقك اك مهم اركانندن بری تشكیل ایلین (حلم) در. حلم! — جناب واهب العطاياتك انسانلره بخش ایش اولدینی برعطیه اولوب هر شیئه کال سکون و تزاکنله مقابله ایلهمکدر ديه تعریف اولنور. واسطه فوز و فلاحز، حصه حقیقت نصایز اولان کلام قدیمده جناب حقك و لوکنت غیظالقلب و امر جایی ایلله، حضرت ابراهیم علیه السلامك و انا ابراهیم لاواه حایم، ديه مدح و ثنا ایلدی حاکم علویتنی، قدر و مزیتنی فهمه اك قوی برهان، اك حساس میزاندر. وینه بونك مزایای عالیسنی مدح و ثنا ایدن پیغمبرمن افندمن حضرتلرینك و کاد حایم ان یكون نبیا، کلام حکمت نشارلری نه قدر علوی معجزه، نه قدر تلقین محرقره.

اصل حلم رضا حالنده اولان سکون اولوب غضب حالنده اولان در. یعنی عجزایله اولان حلم، حلم صایامز، بلکه اخذماره مقتدر ایکن صرفنظر ایلکدر، بوکا صاحب اوله یانلر مادی، معنوی... و سائلی بردرجهیه قدر بولنسه قوییش دیمکدر. باخصوص خدمات دینی و مدنییه بولنقی ایستیمیلر اکر بونی التزام و اکتساب ایش بولنورلرسه زویه کتسه سوزینی دیکله تیر، معارضلرینی اونك حساس و متین مدافعه سی قارشوسنده اسکانه مجبور قیلار. کنج و صاغلام وجودلرک کوربه فکرلرینه شوصفت مبعجله نك بیوکاککی اجراء نفوذ ایلدی یلیرسه اوکی محترم وجودلر، حلم سیمار هر برده مشاربالبنان اولمش اولورلر.

معاوم یا، صاحب عقل و فطانت قول و فعلنده ملایم اولان کیمسه در، زیرا هر کیمسه که اکشی بوزلی و آبی سوزلی اولور، هر کس اولندن ابا و اعراض ایدر. انسان نه قدر صاحب اقتدار اولورسه اولسون برعاجزی شدله مقابله تزل ایتز. چونکه فکر آ حلیم اولان کیمسه نك طبعاً کریم اولمشی پك آشکار مزیتلردندر. بالخاصه قادیانلر خافه ضعیف و نحیف اولدولرندن، حدنه فوق العاده مستعدلرسه ده بوصفت علی. الا کثر اکتساب ایلده قابل اولدیفندن تحصیلنده او قدر کوجاک یوقدر. حدیدك چکدیی مشقت، حایمك حس ایلدیکی اذا ایلله قابل قیاس دکادر. بوسنقه مالک اوله بیانلرک دنیا و آخرنده اختراعات فائقه نائل اوله جقلرینی بیان ایدن (الحلم سید فی الدنیا و سیدی الاخره) تشریات پیغمبریمی نه قدر شایان مفخرت، نه روشن حدیقه مسعدت در. آرتق یوقدر دلائل مؤثره ایلله تأیید و تقدیر اولنش ایکن حدیدالمزاج

عجبا اسلامار حقنده ارتکاب ایدیلن مظالم طاقتفرسایی وجوده کترین، و کاشانی لرزه نك ایدن بالقان قوتی هانکی قولله تارمار و سرنکون ایتدی؟ هیچ شیمه یوقدرکه الله ذوالجلال حضرت برینك قوه قاهره سی ایل. معلومدرکه هر شینك بر ایچی برده طیشی وارددر. شو حالده قوای مجتمعه نی تأمین و تشجیع ایلده جك اسباب ظاهریه و لازمه نك تهیه سی نه درجیلرده مجزوم و ضروری ایسه قوه معنویه که بین الاسلام اکا قوه قاهره ربانییه نامی ویریلور. ایشته بو قولله بوروین بزم کی پامال اعتساف اولمش برملت مظلومه اعداسنك یکدیگرینك قاتی شراب کی ایچدیکنی کوردرک (لاحول ولا قوه الا بالله) امر جایی یاد و تکرار ایلله عظمت الهیهیه صیفینور.

ح. ا

ترانه روحه — روحك ترانه سی

نادر بشرده کی علوی بوسانجنت روان
نادر شوفکر و قریحه، نادر بوحس و بیان
نادر بوسنجه عالم، نه حیرت افزادر
شهود لایقنه، شئون بیابان
تساوات مظاهر، مناظر غرا
نادر، نادر شونجلی، نادر، نادر بوجهان
بوانقلاب مسائل، بوماضی و آتی
بودم، بوحال موقت، کلان، کچن شوزمان
نادر بونور، بوظلمت، نادر بوشام و سحر
نادر بوشمس و قر، بونجه انجم رخشان
بوکرم و سرد، خزان و بهار، لیل و نهار
نادر ظلام و ضیاده بومختلف الوان
نادر شوکره، الهی، نادر بو ذره لر آم
نادر اوقبه، الهی، او قطره، بو عمان
نادر اومقبر هیچی ایچنده کی اوسکون
نادر بو هستی، خوابی ایچنده کی جریان
نادر اومهده وجوده کایش فغان ایلدرک
نادر بولحد فنایه کیدیش اینن کنان
نادر بو غم، بومسرت، نادر بومانم و سور
نادر بو خنده، بو کریمه، نادر بو آم و فغان
نادر بوروز مشاغل، نادر بولیله خواب
نادر قیامت فردا، نادر بجیم و جنان
بلنمز آم بلنمز نادر بو حکم و حکم
بلنمز آم بلنمز سرائر سبحان

سعدالدین سری